

Visoki predstavnik Inzko sastao se sa zvaničnicima Švedske

Visoki predstavnik Valentin Inzko ove sedmice je posjetio Stockholm i sastao se sa višim zvaničnicima u švedskoj vladi i parlamentu. Razgovarali su o trenutnim političkim tokovima u BiH i njenom napretku u provođenju Daytonskog mirovnog sporazuma, u svjetlu činjenice da Švedska preuzima predsjedavanje Vijećem sigurnosti UN-a u januaru sljedeće godine.

Govoreći o političkoj situaciji i dominantnim trendovima u Bosni i Hercegovini, visoki predstavnik je rekao da “u BiH postoje dvije paralelne realnosti. Prva je pozitivna – put integracije u EU, što je rezultiralo pozivom Vijeća EU Evropskoj komisiji da predoči mišljenje o spremnosti BiH za članstvo u EU. Druga realnost je negativna. Još se uvijek osporavaju država BiH i državne institucije. Još uvijek se osporavaju ustavni poredak BiH i vladavina prava.”

Visoki predstavnik je izrazio zahvalnost za švedsku opredijeljenost poslijeratnoj obnovi Bosne i Hercegovine i ukupnim naporima međunarodne zajednice u BiH.